

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin


Franckfurt am Mayn, 1560

VD16 B 2747

Vorrede.

urn:nbn:de:bsz:31-62174

A



Obad Ja zeigt nicht an/ welche zeit er gelebt hat/ Aber seine Weissagung/ gehet auff die zeit der Babylonischen gefengnis/ Denn er tröstet das volck Juda/ das sie sollen wider gen Zion komen.

Vnnd fürnemlich gehet seine Weissagung wider Edom vnnd Esau/ welche einen sonderlichen ewigen has vnnd neid trugen/ wider das volck Israel vnd Juda/ Wie es pflegt zugehen/ wenn Freunde widernander vncins werden/ vnd sonderlich/ woh Brüder gegen ander in has vnd feindschafft geraten/ da ist die feindschafft ohn alle masse.

Also waren hie die Edomiter dem Jüdischen volck vber alle masse feind/ vnd hatten keine grössere freude/ denn das sie sehen solten der Jüden gefengnis/ vnd rhümeten vnnd spotteten jr/ in ihrem jamer vnd elende. Wie fast alle Propheten/ die Edomiter/ vmb solcher heffiger bosheit willen schelten. Als auch der 137. Psalm vber sie klagt/ vnd spricht/ HERR/ gedenck der Edomiter/ am tage Jerusalem/ da sie sprachen/ Rein abe/ rein abe/ bis auff iren boden.

Weil denn solchs auß der massen weh thut/ so man den elenden vnnd betrübten (die man billich trösten solt) aller erst zu irem jamer spottet/ lachet/ troset vnd rhümet/ damit der Glaube an Gott eine grosse/ starcke anfechtung leidet/ vnd gewaltiglich zum verzweueln vnd vnglauben reist/ So stellet hie Gott einen sondern Propheten wider solche verdriessliche Spötter vnd Anfechter/ vnd tröstet die betrübten/ vnd sterckt iren glauben/ mit drewen vnd schelten/ wider solche feindselige Edomiter/ das ist/ Spötter der Elenden/ Vnd mit verheissung vnd zusagung künftiger hülffe vnd errettung. Vnd ist fürwar ein nötiger trost/ vnd ein nütlicher Obad Ja/ in solchem vnfall.

Wende weissaget er von Christus reich/ das solle nicht allein zu Jerusalem/ sondern allenthalben sein. Den er menget alle Völcker in einander/ Als Ephraim/ Ben Jamin/ Gilead/ Philister/ Cananiter/ Zarpath/ welchs nicht kan vom zeitlichen reich Israel verstanden werden/ da solche Stämme vnd volck im Lande vnterscheiden sein musien/ nach dem gesetz Mosis.

Das aber die Jüden hie Zarpath/ Frankreich / vnd Sepharad/ Hispanien deuten/ las ich fahren vnd halte nichts dauon/ Sondern lasse Zarpath bleiben/ die statt bey Zidon/ vnd Sepharad eine statt oder kand in Assyria/ da die zu Jerusalem gefangen gewest sind/ wie der Text klärlich sagt (vnd die gefangenen Jerusalem/ so zu Sepharad sind) Doch halte ein iglicher was er wil.

Der Prophet Obad Ja.



I. Cap.

IX. Cap.
 In der zeit/ werden schone
 Die ist schwerer/ bey dem
 So war die
 wider vffsich mögen
 Altar stehen/ Vnd
 die pfeifen beben/ Denn sie
 vnd wil ihre Nachkommen
 müssen noch einiger dauon
 die sie vertriben/ sol sie
 vnd wenn sie zu jmel starck
 sich vertriben/ vnd auff dem
 rah holen/ Vnd wenn sie sich
 So wil ich doch den Schow
 für iren Jemden hin gehou
 s sie es daleibis erretzen sol
 llich vnd nicht zum gwen.
 wenn er ein Land anritet/ so
 das es sol ganz eber sie her
 re mit dem/ flusz in Egypten.
 hütten auff der Erden graw
 ff das vnter der Erden her.
 vren sprache der HERR/ Hab D
 über auß Cappher/ vnd die
 Fran sündiges Königreich
 h das Haus Jacob nicht
 h wil beschlen vnd das
 e mann mit einem Eub
 a. Alle Eubder in moment
 vnd das Wohl nicht so na
 ds truder auffrichten vnd
 auffrichten vnd wil sie baw
 Dörfern zu Edom vnd die
 predigt sein wird sprache die
 zu gleich ackern vnd and
 re werden mit süßen Wein
 h wil die gefengnis meines
 ven vnd bewohnen/ Bew
 achten/ vnd frucht dar
 das sie nicht mög
 en geben wer
 t.
 16.
 Vorrede